

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍԸ ԾԱՂԵԿՊՄԱԿ ԴՐԵՑ ԱՆՀԱՅՑ ԶԻՆՎՈՐԻ ՀՈՒՇԱՐՁԱՆԻՆ

Մայիսի 9-ին Ամենայն Հայոց Կաթողիկոս Ն.Ս.Օ.Տ.Տ. Գարեգին Երկրորդի գլխավորությամբ Մայր Աթոռ Սուրբ Էջմիածնի մի խումբ բարձրաստիճան հոգևորականներ ու միաբաններ ուղևորվեցին Երևանի Հաղթանակի զբոսայգի, որտեղ հոգևորականների հանդիսավոր թափորը շարժվեց դեպի Անհայտ զինվորի գերեզման՝ ծաղկեպսակ ու ծաղիկներ դնելով Անհայտ զինվորի շիրմին:

Հաղթանակի այս հանդիսավոր փոնի առիթով Վեհափառ Հայրապետն ասաց.

Այսօր Երկրորդ համաշխարհային պատերազմում ֆաշիզմի դեմ պայքարած հաղթանակի օրն է: Բայց նաև ազգային մեր կյանքում նշանավոր օր է: Այսօր Արցախ աշխարհում մեր ժողովրդի զավակները փոխախմբում են Շուշիի ազատագրության օրը, որը նաև հռչակված է որպես երկրի պաշտպանության բանակի օր: Մենք այս առիթով մեր աղոթքն ենք բարձրացնում, որպեսզի երբեք աշխարհը և մարդկությունը չդենսեն պատերազմներ, ապրեն խաղաղության, սիրո համագործակցության մեջ, որպեսզի փառավորվի Տիրոջ անունը, և մարդիկ կարողանան իրենց արդար քրտինքի վաստակով երջանկանալ, ուրախանալ ու շենացնել իրենց կյանքն ու իրենց երկիրը: Մեր աղոթքն ու մաղթանքն է նաև, որ Աստծո զորավոր Աջո միշտ հովանավոր լինի հայոց բանակին, որը պաշտպանում է մեր երկրի սահմանները և Հայոց աշխարհի խաղաղությունը: Տիրոջ բարի հայացքը թող լինի մեզ հեղ, մեր ժողովրդի զավակների հեղ և պարզևի մեզ երջանիկ, խաղաղ կյանքի օրեր:

ՄԱՅՐ ԱԹՐՈՒ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ